

Na osnovu člana 8. Zakona o principima lokalne samouprave u Federaciji BiH („Službeni glasnik Federacije BiH“ br: 49/06), člana 18. Statuta Općine Jablanica („Službeni glasnik općine Jablanica“ br: 2/09), Općinsko vijeće Jablanica na svojoj sjednici, održanoj dana 04.12.2017. godine,  **d o n o s i**

## ODLUKU-PROGRAM

o subvencioniranju volontera i zaposlenika visoke i više školske spreme

### Član 1.

Ovom odlukom utvrđuje se način subvencioniranja volontera za prijem na stručno osposobljavanje za samostalan rad, bez zasnivanja radnog odnosa (volonterski rad), kao i zapošljavanje osoba sa područja Općine Jablanica sa završenom visokom i višom školskom spremom.

Subvencioniranje se vrši da bi zainteresovana lica stekli radno iskustvo do ukupno tri godine, u koje se računa i jednu godinu volontiranja.

Subvencioniranje se vrši iz sredstava Budžeta općine Jablanica planiranih za subvencioniranje zapošljavanja volontera i zaposlenika. Broj volontera, zaposlenika će biti određen u skladu sa raspoloživim sredstvima koja će biti određena u budžetima Općine Jablanica.

Subvencioniranje u zapošljavanju mladih osoba sa visokom i višom stručnom spremom omogućava se javnim ustanovama, javnim preduzećima, samostalnim organima uprave čiji je osnivač Općina kao i drugim pravnim subjektima na području Općine Jablanica (u daljem tekstu Subjekti) koji će prijavom na objavljeni Javni pozivi iskazati svoje potrebe za obučavanjem volontera i zapošljavanjem nezaposlenih osoba. Maksimalan broj lica koje subjekti mogu tražiti sa osposobljavanje i zapošljavanje je dva, osim u obrazovnim ustanovama (osnovna i srednja škola) gdje je broj lica direktno u nastavi može biti i veći u zavisnosti od obezbjediti saglasnost za volontiranje.

Izuzetno, ukoliko se osposobljavanje lica s višom i visokom školskom spremom iz oblasti obrazovanja ne može vršiti u subjektima na području općine Jablanica isto se može odobriti u okviru obrazovnih ustanova na području HNK

### Član 2.

Ciljna grupa su osobe sa prebivalištem na području Općine Jablanica, i to:

- nezaposlene osobe na evidenciji Biro-a rada Jablanica sa visokom i višom školskom spremom spremom bez radnog iskustva od jedne godine,

- lica koja su po programu subvencioniranja od strane Općine ili po drugim programima sufinansiranja stekli radno iskustvo od do dvije godine, tj ciljna grupa su lica sa jednom i dvije godine radnog iskustva,

- lica sa VSS i VŠS koja su obavila volonterski ili pripravnički staž u obrazovnim institucijama i drugim subjektima, a kojima je staž vezan za školsku godinu i koja nemaju punu godinu radnog iskustva,

- lica sa VŠS koja su u periodu trajanja volonterskog ili pripravničkog staža stekla veći stepen stručne spreme a nemaju jednu godinu radnog iskustva,

- ciljna grupa po ovoj Odluci su i osobe sa VŠS i VSS medicinskog usmjeren, bez obzira imaju li jednu godinu radnog iskustva (u kategoriji zaposlenika).

Gore navedene osobe će prijavom na objavljeni Javni pozivi iskazati svoje traženje za obučavanjem u svojstvu volontera i zapošljavanjem kao nezaposlene osobe.

Lica za završenom VSS i VŠS nastavničkog smjera koja žele obaviti volonterski staž u obrazovnim institucijama (direktno u nastavi, ne u administraciji) ne moraju se prijaviti na Javni pozivi dovoljno je da svoje zahtjeve za volontiranjem, a do donošenja Odluke o broju i rasporedu volontera, usaglase sa obrazovnim ustanovama koja će za njihovo volontiranje obezbjediti saglasnost za volontiranje, od Pedagoškog zavoda i Ministarstva obrazovanja, nauke, kulture i sporta HNK-a.

Lica koja po programima subvencioniranja od strane Općine ili po drugim programima sufinansiranja (Zavod za zapošljavanje i sl.) stiču radno iskustvo, kao i ona lica koja su zaposlena ali njihovo zaposlenje nije u struci odnosno nije u svhu osposobljavanja na poslovina sa višom i visokom školskom spremom



mogu se prijaviti na Javni poziv iako se ne nalaze na evidenciji biroa rada Jablanica. Takva lica su dužna priložiti dokaz o trenutnom radnog angažmanu (Dokaz o trenutnom zaposlenju- Uvjerenje izdato od strane poslodavca, Ugovor o radu) iz kojeg je vidljivo do kada traje njihov radni odnos i na kojim poslovima rade, sa kojom školskom spremom rade.

### Član 3.

U skladu sa raspoloživim sredstvima volonter se subvencionira u mjesečnom iznosu za ishranu za vrijeme rada (topli obrok) ili za naknadu koja je po zakonu određena, naknadu za prevoz na posao i sa posla i osiguranje za slučaj povrede na radu i profesionalne bolesti.

U skladu sa raspoloživim sredstvima zaposlenik se subvencionira u mjesečnom iznos u visini najniže neto plaće, koja se utvrđuje odvojeno za svaki mjesec kao umnožak neto satnice i punog radnog vremena u mjesecu za koji se vrši obračun.

Trajanje subvencije je za period od 12 mjeseci za volontere sa visokom školskom spremom, odnosno 9 ili 6 mjeseci za volontere sa višom školskom spremom.

Trajanje subvencije je za period od 12 mjeseci za zaposlenike sa visokom i višom školskom spremom.

Ugovor o volonterskom radu se zaključuje u pismenoj formi na vrijeme koje je potrebno da volonter uradi volonterski rad.

Ugovor o radu sa zaposlenikom se zaključuje u pismenoj formi na period od jedne godine.

### Član 4.

#### I Volonteri

Formiranje rang liste po zvanjima će vršiti Komisija formirana od strane Općinskog načelnika, a činit će je predstavnici općine Jablanica, predstavnici zainteresovanih pravnih Subjekata koji mogu učestovati u Javnom pozivu, a u skladu sa kriterijima o bodovanju koje donosi Općinski načelnik na osnovu sljedećeg:

a) vrijeme provedeno na Biro-u rada Jablanica (uključujući i prelaznice drugih Biroa rada);

a) Za lica sa VSS

- 0-3 mjeseca – 3 boda
- Od 3-6 mjeseci. – 5 bodova
- Od 6 -12 mjeseci -10 bodova
- Više od 1 godine – 15 bodova

b) Za lica sa VŠS

- više od 2 godine – do 2 godine i 3 mjeseca – 3 boda
- od 2 godine i 3 mjeseca - do 2 godine i 6 mjeseci. – 5 bodova
- od 2 godine i 6 mjeseci – 3 godine -10 bodova
- više od 3 godine – 15 bodova

b) kandidat bez roditelja (porodice poginulih, umrlih, nestalih branilaca)

- Kandidat bez roditelja (porodica poginulih, umrlih,....) .....10 bodova

c) lična invalidnost

- Manje od 60 % - 6 bodova
- Invalidnost 60 % - 8 bodova
- Invalidnost 70 % - 10 bodova
- Invalidnost 80 % - 12 bodova
- Invalidnost 90 % - 14 bodova
- Invalidnost 100 % - 20 bodova

d) Demobilisani borci - 10 bodova.



- c) intervju sa kandidatima, na osnovu personalnih karakteristika, iskazane sposobnosti kandidati se ocjenjuju bodovima u rasponu od 1 do 5 bodova.

## II Zaposlenici

Pregledavanje dokumentacije kandidata zaposlenika će vršiti Komisija formirana od strane Općinskog načelnika, a činit će je predstavnici općine Jablanica, predstavnici zainteresovanih pravnih Subjekata koji mogu učestovati u Javnom pozivu, koja može biti ista komisija koja će vršiti rangiranje volontera. Listu kandidata po vrstama zanimanja koji ispunjavaju uslove Javnog poziva Komisija će dostaviti odabranom poslodavcu na daljnji odabir.

Daljnji odabir kandidata vršit će Subjekt kojem je od strane Općine Jablanica odobrena subvencija za zapošljavanje lica a putem intervju sa kandidatima, gdje se ocjenjuju personalne karakteristika, iskazane sposobnosti kandidata koje se ocjenjuju bodovima u rasponu od 1 do 5 bodova. Nakon obavljenog intervjua Subjekt će obavijestiti Općinu Jablanica o odabranom kandidatu.

### Član 5.

Na osnovu utvrđene rang liste po zanimanjima Komisija za odabir kandidata će izvršit raspored kandidata volontera, dok će konačnu odluku o rasporedu prijavljenih pravnih Subjekata za subvencioniranje volontera, a u skladu sa iskazanim potrebama i prioritetima za određenim kadrovima od strane Subjekata, donjeti Općinski načelnik u saradnji sa nadležnim općinskim Službama.

Općinski načelnik u saradnji sa nadležnim općinskim Službama će donjeti konačnu odluku o rasporedu prijavljenih Subjekata za subvencioniranje zapošljavanja.

Subjektima koji zapošljavaju do 5 (pet) zaposlenika može biti odobreno jedno lice, a koji zapošljavaju 5 i više zaposlenika može biti odobreno maksimalno dva lica. Ovo ograničenje ne važi za obrazovnim institucijama za lica koja se obučavaju direktno u nastavi.

Kriterij za odabir poslodavaca koji apliciraju za osposobljavanje volontera su sljedeći:

- Poslodavci koji iskažu interes za prijem na obuku kandidata iz kategorije porodice poginulih, umrlih, nestalih branilaca.
- Svi poslodavci koji iskažu interes za prijem na obuku, osposobljavanje volontera.

Kriterij za odabir poslodavaca koji apliciraju za zapošljavanje su sljedeći:

- Poslodavci firme u privatnom vlasništvu do 30 %
- Poslodavci firme u državnom vlasništvu do 25 %
- Javne ustanove do 25 %
- NVO do 20 %

U slučaju nepodnošenja dovoljnog broja zahtjeva za subvencioniranje po vrstama poslodavaca subvencije će se usmjeriti kod drugih zainteresovanih poslodavaca.

### Član 6.

Za provođenje ove Odluke zadužuje se Općinski načelnik i nadležna Služba općine Jablanica, uz obavezu da sačini Javni poziv i utvrdi sadržaj i uslove javnog poziva, odredi rok za prijave aplikacija, izradi prijavni obrazac, donese konačnu odluku o broju i rasporedu prijavljenih lica za osposobljavanje i zapošljavanje.

Nakon okončanja postupka izbora volontera i zaposlenika dostaviti će se informacija Općinskom vijeću o realizaciji programa volontiranja i zapošljavanja.

### Član 7.

Iz sredstava Budžeta općine Jablanica predviđenih za subvencioniranje volontera VSS i VŠS, koja žele obaviti volonterski staž u obrazovnim institucijama (direktno u nastavi, ne u administraciji), određuje se iznos do 8,00 KM po jednom radnom danu, a na ime naknade za topli obrok, naknadu za prevoz i za



osiguruje za slučaj od povrede naradu i profesionalne bolesti, a do isteka ugovora koji volonteri imaju sa Javnim ustanovama. Broj ovih lica će biti određen u skladu sa raspoloživim budžetskim sredstvima i u skladu sa dobijenim saglasnostima za volontiranje, u školama HNK od Pedagoškog zavoda i Ministarstva obrazovanja, nauke, kulture i sporta HNK-a.

#### Član 8.

Ova Odluka stupa sa snagom danom donošenja a objavit će se u Službenom glasniku općine Jablanica.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE

PREDSJEDAVALJUĆI OV-a

Mate Mijić, ing.stroj.

Broj: 02-02-

Jablanica, \_\_\_\_ .04.2017. godine

#### O b r a z l o ž e n j e

Po Programu rada OV-a ova Odluka je planirana za aprilsku sjednicu Općinskog vijeća Jablanica. Ovom odlukom utvrđuje se način subvencioniranja volontera za prijem na stručno osposobljavanje za samostalan rad, bez zasnivanja radnog odnosa (volonterski rad), kao i zapošljavanje osoba sa područja Općine Jablanica sa završenom visokom i višom školskom spremom.

U članu 1. istom se predviđa javno objavljivanje poziva za Javne ustanove, Javna preduzeća i Pravobranilaštvo i druge pravne subjekte na području općine Jablanica.

Maksimalan broj lica koje subjekti mogu tražiti sa osposobljavanje i zapošljavanje je dva, osim u obrazovnim ustanovama (osnovna i srednja škola) gdje je broj lica direktno u nastavi može biti i veći u zavisnosti od obezbjediti saglasnost za volontiranje.

U članu 2. je definisano ko je ciljna grupa, a to su u nezaposlena lica visoke i više školske spreme koja se nalaze na evidenciji Biroa rada u Jablanici bez radnog iskustva (volonteri) i lica sa radnim iskustvom do tri godine (zaposlenici koji bi kroz onaj program napunili 3 godine radnog iskustva, jednu godnu volontiranja i dvije godine zapošljavanja) a što je detaljnije precizirano samim članom 2.

Također definisano članom 2. a vezano i za član 7. Ove Odluke se ima namjera omogućiti i subvencioniranje volontera i zaposlenika VSS i VŠS, koja žele obaviti volonterski staž u obrazovnim institucijama (direktno u nastavi, ne u administraciji), a zbog problema koji je naročito izražen u Osnovnoj i Srednjoj školi. Naime obuka volontera u tim javnim ustanovama počinje sa početkom školske godine i uz istu je neophodno obezbjeđenje saglasnosti nadležnog kantonalnog ministarstva za lica koja će obavljati volonterizam, a to je sve teško provesti i uskladiti sa javnim pozivom. Zbog gore navedenog ovom odlukom se predviđa da takva lica nastavničkog smjera koja žele obaviti volonterski staž u obrazovnim institucijama (direktno u nastavi, ne u administraciji) ne moraju se prijaviti na Javni pozivi dovoljno je da svoje zahtjeve za volontiranjem, a do donošenja Odluke o broju i rasporedu volontera, usaglase sa obrazovnim ustanovama koja će za njihovo volontiranje obezbjediti saglasnost za volontiranje, od Pedagoškog zavoda i Ministarstva obrazovanja, nauke, kulture i sporta HNK-a.

U provođenju oglasa javljale su se dileme oko subvencioniranja lica koja su zaposlena ali njihovo zaposlenje nije u struci odnosno nije u svhu osposobljavanja na poslovinu sa višom i visokom školskom spremom, nego rade kao trgovci i slično sa SSS. Sada se i takva lica mogu prijaviti na Javni poziv iako se ne nalaze na evidenciji biroa rada Jablanica i dužna su priložiti dokaz o trenutnom radnog angažmanu



(Priloga o trenutnom zaposlenju- Utvrđenje izdato od strane poslodavca, Ugovor o radu) iz kojeg je vidljivo do kada traje njihov radni odnos i na kojim poslovima rade, sa kojom školskom spremom rade.

Članom 3. Su definisani iznosi i trajanje subvencija i Subvencije su predviđene na način da se odabranim korisnicima prebacuju sredstva po mjesečnim zahtjevima istih koji bi oni isplaćivali volonterima za njihov rad a u skladu sa Zakonom o radu i u skladu sa Zakonom o volontiranju i zakonskim rješenjima koji tretiraju rad volontera, dok bi se za zaposlenike isplaćivao mjesečni iznos u visini najniže neto plaće.

Za provođenje Javnog poziva bila bi formirana Komisija formirana od strane Općinskog načelnika, što je definisano članom 4. a činit će je predstavnici općine Jablanica, predstavnici zainteresovanih pravnih Subjekata koji mogu učestovati u Javnom pozivu, koja može biti ista komisija koja će vršiti rangiranje volontera i zaposlenika.

Odabir kandidata bi vršila komisija na osnovu kriterija: vrijeme provedeno na Biro-u rada Jablanica, kandidat bez roditelja (porodice poginulih, umrlih, nestalih branilaca), lična invalidnost, intervju sa kandidatima kod volontera.

Kod odabira zaposlenika komisija koja bi bila imenovana bi izvršila pregled dokumentacije kandidata zaposlenika i listu Kandidata po vrstama zanimanja koji ispunjavaju uslove Javnog poziva Komisija će dostaviti odabranom poslodavcu na daljnji odabir, koji bi putem intervjuja odabrao najboljeg kandidata i o tome obavijestio Općinu.

Daljnji odabir kandidata vršit će Subjektat kojem je od strane Općine Jablanica odobrena subvencija.

Članom 5. se definiše odabir Sunjebata. Veoma je teško unaprijed odrediti broj lica koji bi bili obuhvaćeni ovim programom jer općina želi da sva lica sa VSS i VŠS koji se nalaze na evidenciji biroa rada Jablanica a za koja poslodavci iskažu interes za osposobljavanje nadu svoje angažovanje a da nakon toga ostatak sredstava bude raspoređen u zapošljavanje lica do ukupno tri godine radnog iskustva.

Članom 6. se propisuju zaduženja i obaveze oko Javnog poziva i ostalih stvari od roka za aplikaciju, prijavnog obrasca i donošenja konačnu odluku o broju i rasporedu prijavljenih lica za osposobljavanje i zapošljavanje, te obaveza informisanja OV-a.

Članom 7. Se pobliže utvrđuju prava volontera VSS i VŠS, koja žele obaviti volonterski staž u obrazovnim institucijama (direktno u nastavi, ne u administraciji). Za njih se određuje se iznos do 8,00 KM po jednom radnom danu, a na ime naknade za topli obrok, naknadu za prevoz i za osiguranje za slučaj od povrede naradu i profesionalne bolesti, a do isteka ugovora koji volonteri imaju sa Javnim ustanovama. Broj ovih lica će biti određen u skladu sa raspoloživ budžetskim sredstvima i u skladu sa dobijenim saglasnostima za volontiranje, u školama HNK od Pedagoškog zavoda i Ministarstva obrazovanja, nauke, kulture i sporta HNK-a. )

Obrađivač:  
Služba za LER i investicije, finansije i trezor

Predlagač:  
OPĆINSKI NAČELNIK